

揚州叢刻

揚州
陳恒和書林
民國廿三年
藏板

回手

巾

巾

巾

巾

巾

巾

序

揚州續北湖小志從弟慎齋先手輯也憶昔焦里堂孝廉著有前北湖小志所載一方人物事跡節孝風俗刊行於世迨四十年矣余自己亥歸田後卽屬慎齋弟續是書同其兄敬齋克弟實齋充搜羅更得六卷粲然大備復延甘泉王望湖參訂儀徵畢韞齋校錄閱五年而成茲擬付梓氏請正於余夫余耄矣又覩是書之刻幸繼里堂載筆之有人實爲快事故樂爲之序

道光二十七年丁未中秋後四日頤性老人阮元識

於康山之西時年八十有四

書之

時皇嘗之味幸聯里堂輝煌之官人實食此事
細問正辛而謝益誠也林氏請五外余夫余等決不
容樂然大謝野錢廿泉王聖開參頂謝謝厚賜
爾爾爾皇書同其只如齊良策實齋法與照更得六
得此計然也四十甲矣余自曰素超田籍腹想
本銀香存前如小志也讀一衣人味在觀
也

揚州北湖續志卷一 甘泉 阮先慎齋不輯

揚州 陳恆和書林刻

山川

揚州運河以西郡城以北爲北湖綿亘百餘里
或萃三十六湖之澎湃或分七十二澗之滌洄
而甘泉馬鞍諸山更與湖光相接故湖山並志
以備採撫焉

甘泉山在府城西北三十五里大儀鄉高二十餘丈

周二里上有井甚甘故名

讀史方輿紀要

嘉靖維揚志山上

有甘泉七峰聯絡如斗平地錯落諸圓岡凡二十八

如列宿拱斗然第一峰環視旁圍諸山在江南者鰲
鰲如列坐舊志謂厲王冢在此郡國志廣陵厲王胥
冢歲旱鳴鼓遶之輒致雲雨乾隆七年知縣張宏運
築靈雨臺於山上嘉慶十二年春不雨鹽政額勒布
禱於臺輒應更建龍王廟立八卦臺

靈雨臺記

張宏運

余治甘之明年以循視麥隴過甘泉山盎盎晴暉
四迎原野與村煙墟樹相掩映於遠近之間而人
風土俗蒸蒸然有近樸向古意余顧而樂之與鄉
之父老陟十餘丈而上盈視駭矚徘徊不能去父

老告余曰茲山錯落布置於平地而爲園岡者二十有八若列宿然蜿蜒聯屬矗起而爲峰者七若斗然其上有井甚甘美此山之所以名而分邑亦以命名誠重之也又有進而言者曰廣陵厲王塚相傳在茲山上或旱甚鳴鼓遶之輒致雷雨余聞而尤異之然茲山之巍然特出視封內諸山若培塿信如斯言益以徵山靈之不爽余乃攝衣而上升極高之峰欲求王塚之所在不可得四顧徜徉豁人心目而西望愛敬之陂慨然想見魏太守陳公之遺愛於弗墜今陂塘亦旣爲膏腴矣而我

朝厚澤涵濡雨暘時若已無復雲漢之咏且河防
水利講求備至其所以利濟斯民者何啻百倍於
當年祈禱之說應無所事然茲山之靈異若彼固
大有造於吾民者使不有以表彰而興起之亦守
土者之闕也爰於高峰中之深邃處爲築一臺命
之曰靈雨蓋節取詩中靈雨旣零之意以志鳴鼓
致雨之異焉夫有一邑之人物必有一邑之山川
是皆能表靈異興雲雨以爲一方之利賴者則斯
臺也旣以表茲山之靈亦可爲一時雩禱之所由
是而歲取十千以仰答 聖天子惠保元元之至

意或亦父母斯民之一道乎至於勞農稅駕與二三父老登眺流連尤不爲無助云

李滋裕

問山

廣陵西北部山橫壓地軸突兀名甘泉救旱同川
瀆罔巒二十八列峙如拱服上有七峰連蒼然勢
盤鬱我昔漫經過徒步苦炎熇今春風物佳旁甸
思尋逐招要有高會恰使前遊續平明走車騎亭
午入山麓紆迴古寺門疊磴先憩足消煩酌春泉
齒頰餘芳馥住杖繞松篁仰視龍圖臺拔援陟危
顛扶輿徧清淑煙嵐眾象深阡陌入遙目循行得

古塚蔓草荒碑覆蒼蔚出甘霖能濟窮檐哭何緣
謝塵氛結廬此山曲

千人山蘇詩古詩臺詩爲民江都焦循里堂

南嘗登會稽北亦瞻泰岱惟此甘泉山若彼皆不
逮豈眞較彼高近我則偏愛三月旣生霸隨意約
同輩十里沿溪行由面達山背野鳥餘春聲青松
作閒態巍巍靈雨臺四望目無礙湖光遠接天桑
田繡其內金牛一點烟北固澹如黛前人未品題
此山乃韜晦或云牛之精七峯與天配山神不受
諛不必向山諱山根有人家竹籬聞犬吠

盤古山在城西三十里西與鄉上有盤古墓俗呼廟

山

新舊府縣志

馬鞍山在城西北三十五里大儀鄉高一十二丈周

三里狀似馬鞍故名

得勝山在城西北三十里大儀鄉高七丈周二十五

里

席帽山在府城西北十二里與得勝山皆周二十五

里而高不過數丈

方輿紀要

嘉靖維揚志山在大儀鄉

高七丈狀如席帽俗呼帽兒墩

九龍山在城西北四十五里公道橋側江都縣志引

萬厯志作九龍岡

重修揚州府志

夾岡在城東北七里大儀鄉東接灣頭鎮淮子河口

蜀岡在城西北四里一名崑岡

獨岡在城西北四十五里

浮城岡在城西二十八里豐樂鄉新城湖高二丈周

二十餘丈

雍正縣志

廟岡在北湖黃珏橋西宋元間倪萬二姓建社神廟

於岡上故名

重修府志

鳳凰林在城北三十二里招賢鄉

新舊府縣志

宋紹定四

年有鳳鳥至其地故名今城北無鳳凰林惟楊猷

醫壩西有鳳子嶺疑卽此也

老虎墩在甘泉山南

雷塘在府城西北十五里上塘長廣六里餘下塘長
廣七里今皆佃爲田漢書作雷陂寰宇記有大雷
小雷之宮吳王渢遊此嘗築釣臺江都王建蕩舟
溺水兩小黃門卽其處元至正年造牐於上雷塘
成化八年侍郎王恕郎中郭昇於上下雷塘各造
石牐一座水碓二座以時蓄泄分設塘長一名塘
夫四十名嘉靖十八年巡撫都御史周金管河都
御史郭持平俱行府縣修築

重修府志

唐羅隱

入郭登橋出郭船
紅樓日日柳年年
君王忍把平陳業
只換雷塘數畝田

宋晁无咎

雷塘新作麥田荒
曾說風興沒兩郎
誰似當年李刺史
春波還引勾城塘

元蘇大年

雷塘春雨綠波濃
古冢寒煙蔓草空
斜日欲沉山色近
行人無處問行宮

吳公臺下雷塘路
錦纜牙檣行樂處
當年玉樹後

庭花夢裏相逢惜春暮君不見東家北舍人未歸
落花滿地蝴蝶飛

明李之儀

鞭長不能及馬腹有限生涯時苦促空使後人悲
後人雷塘春草年年綠誰知秀色若可餐風光付
與初凭肩力殫四海歡未已眉黛一螺當幾鉞君
不見黃金棟梁回首蠹漠漠平沙青塚暮三絃欲
斷空自知千金漫買長門賦膏油續盡天須曉后
土餘壘可長保就令並蒂永不分也應終恨雷塘
草

胡儼

吳公臺下是雷塘望斷春山碧草長
卻笑相逢歸往事樽前猶笑舞腰傷

國朝

王士祿

寶城北是上雷塘細草青青墓跡荒
莫笑錦帆隋煬帝李花楊葉兩茫茫

彭孫遹

楊柳行宮汴水秋如雲殿腳下龍舟可
憐疏鑿三千里占得雷塘一曲流

小新塘在上雷塘之東北